

# KOMMUNIKAMMA 13 OKTOBER 2024



Ons besoek op versoek. Kontak asb. met groot vrymoedigheid met ons indien jy enige versoeke of vrae het.

Niekie Oosthuizen in die kerkkantoor: 082 561 8747; 041 360 1484; kerkkantoor@ngkraggakamma.co.za  
Ds MG van Rooyen: 083 413 7100; mg@ngkraggakamma.co.za  
Ds Toit Wessels: 084 240 2916; toit@ngkraggakamma.co.za  
Jou blokouderling of -diaken

## **WHATSAPP GEMEENTE KOMMUNIKASIE**

Indien jy die gemeente kommunikasie via Whatsapp wil ontvang moet jy die volgende stappe volg:

Stoor die gemeente selfoon nommer (071 493 5998) as 'n kontak op jou foon.

Stuur 'n Whatsapp boodskap met jou naam en van na hierdie nommer.

Jy word op 'n "Broadcast" lys geplaas en is nie deel van 'n Whatsapp groep, waarop almal kommentaar lewer, nie.

## **PROGRAM VIR DIE WEEK:**

### **Sondag 13 Oktober**

#### **08:30 EIETDSE DIENS EN KLEUTERKERK**

**Skriflesing:** Amos 5:4-15

**Tema:** 'n Woord of 2 vanaf Amos

#### **09:45 KATEGESE**

#### **10:00 KLASSIEKE DIENS**

#### **18:00 LEEF@KERK**

**Tussen die twee eredienste (09:30) gaan ons almal buite die kerkgebou bymeekaarkom om 'n Voorbladfoto vir 2025 se jaarprogram te neem.**

### **Die bedieningsdankoffer in die houtkassies gaan vandag vir die Sinodale Dankoffer – Gemeentebediening**

Die Sinodale dankoffer vir Gemeentebediening word gebruik om projekte te befonds wat ringe aanpak. Vanjaar word onder andere die volgende gedoen: Voortgesette bedieningsopleiding aan predikante om hul vaardighede uit te bou, geestelike ondersteuning en versorging van leraars; toerusting van orreliste word ondersteun en ouderlinge word opgelei om eredienste te lei.

### **Maandag 14 Oktober**

#### **KERKKANTOOR**

Die kerkkantoor is elke Maandag en Woensdag van 08:00 tot 12:00 oop. **Neem asb. kennis dat die kerkkantoor weksdae van 08:00-13:00 via die kerkkantoor telefoonnommer (041-360 1484) beskikbaar is.**

#### **12:45 GEBEDSKILD**

Gemeente gebedsgeleentheid in gebedslokaal. Almal is welkom.

#### **18:00 GETUIENIS**

### **Dinsdag 15 Oktober**

#### **17:30 EIENDOMME**

### **Woensdag 16 Oktober**

#### **PE NOORD EN ALGOA GEMEENSKAPSKERK – VOEDSELHULP-PROJEK**

- Die nood by en behoefte aan kospakkies by die PE Noord gemeenskap bly baie hoog. Dankie vir elke bydrae.

- Aangesien Willie en Gaynor Swanepoel vir ongeveer 3 maande by hul kinders in Nieu-Seeland gaan kuier, soek ons dringend na persone wat bereid sal wees om die Spiese by te staan met die tweeweeklikse kosaankope en aflewering vir die bogenoemde projek. Kontak asb. vir Piet(084 491 1213) of Sonja (082 920 0261) indien jy kan help.
- Algoa Gemeenskapskerk het 'n behoefte aan bruikbare kantoorstoele of selfs onderstelle van stoele. Hulle benodig ook 'n enkelbed. Kontak Willie Swanepoel (082 920 0261) of Piet Spies (084 491 1213) indien jy kan help.

### **Vrydag 18 Oktober**

#### **05:00 MANNEGROEP by Carnationlaan 15**

Indien jy wil deel word van die groep, kontak Frans Stapelberg vir meer besonderhede by selnommer 082 773 6205

### **Sondag 20 Oktober**

#### **08:30 EIETDSE DIENS EN KLEUTERKERK**

Ons is baie opgewonde oor Lindie Strydom wat op hierdie Sondag by ons gaan kuier tydens die eietydse (08:30) en klassieke (10:00) diens. Sy en Ds Toit gaan 'n tweegesprek voer voor die gemeente. Die Tema van die oggend is **Die Geskenk van Gesprek**. Jy gaan nie hierdie spesiale geleentheid wil misloop nie.

**Hierdie erediens gaan ongelukkig nie regstreeks op ons Youtube kanaal uitgesaai word nie.**

#### **09:45 KATEGESE**

#### **10:00 KLASSIEKE DIENS**

#### **18:00 LEEF@KERK**

### **GEBEDSAKE:**

- Laaste kwartaal wat voorlê.
- Matrieks wat voorberei vir hulle eindeksamen.
- Rooikop Kotze en Johan van Zyl is in die hospitaal.
- Doré Grobler, Veneto Keyter en Buddy van der Merwe beleef groot gesondheid uitdagings.
- 'n Einde aan die oorloë in Oekraïne, Midde-Ooste en ander plekke, asook vir die gelowige broers en susters in daardie lande. Die sluit van vrede.

### **THERE4 BEDIENINGE GEBEDSVERSOEK**

Bid vir militante nie-gelowiges in **Etiopië** om die waarheid van Jesus Christus te leer ken en dat hulle daarom 'n einde aan vervolging sal maak.

### **NUWE LIDMATE**

Ons wil graag ons nuwe lidmate ontmoet. Daar is in die voorportaal 'n groen kontakkaart wat julle kan voltooi, waarna ons met julle in verbinding sal tree. Jul kan ook na ons webblad, [www.ngkraggakamma.co.za](http://www.ngkraggakamma.co.za) gaan. Druk op "Kontak ons" reg onder die gemeente logo. Vul die "Nuwe intrekke" vorm in en e-pos dit na die kerkkantoor.

### **"BEDIENAARS": 'n NUWE MOONTLIKHEID VIR BEDIENING**

Is jy passievol oor bediening in jou gemeente, wil jy jou roeping laat groei, of in jou geloof belê? Hugenote Kollege is opgewonde om die bekendstelling van 'n aanlyn teologiese opleidingsprogram aan te kondig. Hierdie program is daarop gemik om gelowiges toe te rus met die vaardighede om Bedienaars te word. Die program maak dit vir gelowiges moontlik om hul roeping te verdiep deur gehalte opleiding. Die program is ook ontwerp vir gelowiges wat gewoon net hul eie dissipelskap wil verdiep deur nuwe vaardighede aan te leer.

Areas van formasie sluit in:

- Verkondiging van die Woord
- Missionale Leierskap
- Jeug en Familie
- Gemeenskapsdiakonaat
- Pastorale Sorg

Of jy reeds by 'n bediening betrokke is of voel dat jy geroep is om jou geloof te verdiep, bied hierdie program 'n omvattende teologiese opleiding met praktiese toepassings wat jou voorberei om met vertroue te dien.

Sluit op 17 Oktober 2024 van 18:00–20:00 by ons aan vir 'n aanlyn Zoom inligtingsessie om meer hieroor te leer.

Vir navrae oor die geleentheid en om 'n skakel te ontvang, kontak ds. Jaco Botha by [stb4@hugernote.ac.za](mailto:stb4@hugernote.ac.za).

### **GOD'S KAROO WOMEN KONFERENSIE 2024**

Die God's Karoo Women Konferensie vind 1 – 3 November 2024 by die Mentors Country Estate in Jeffreysbaai plaas. Aangesien dit die 10de herdenking van God's Karoo Women is, is die registrasiefooi hierdie jaar slegs R200 per persoon. Die sprekers is Susan Coetzer (Aktrise en skrywer), Mel de Villiers (Pastoor) en Danie Botha (Sanger). Besoek [www.godskaroorwomen.co.za](http://www.godskaroorwomen.co.za) vir registrasie of kontak 071 398 6397 of Felicity Murray (073 240 9043) indien jy enige navrae het.

### **VERJAARSDAE VIR DIE WEEK**

Ons wens die volgende lidmate geluk met hulle verjaarsdae:

13 Oktober	Leya Pretorius
14 Oktober	Nay du Toit, Eileen Scholtz en Andri Stumke
15 Oktober	Rochelle Bekker, Ian Beukes, Lienkie Kemp, Paultjie van Heerden en Nela van Rooyen
16 Oktober	Liehan Barnard, Nerine Naudé en Louise van Rhyn
17 Oktober	Ana Jansen van Vuuren, Peter Rothman, Mari van Onselen en Kevin Viljoen
18 Oktober	Lea de Beer, Karlien Dreyer, Elani Landman en Otto Roselle
19 Oktober	Leandi Claassen, Franco de Beer, Linda Rossouw, Christo van der Merwe, Johan van Zyl, Ilaria van der Merwe en Anna Williams

*Ons wens tannie Eileen Scholtz baie geluk met haar 90ste verjaarsdag op Maandag 14 Oktober.*

### **TIENDEMAAND DANKOFFER**

Op sy reis na Jerusalem toe het Jesus al met die grens tussen Samaria en Galilea langs gegaan. Net toe Hy 'n sekere dorpie wou binnegaan, kom tien melaatse mans Hom tegemoet, maar hulle bly op 'n afstand staan en roep hard: "Jesus, Here, ontferm U oor ons!" Toe Hy hulle sien, sê Hy: "Gaan wys julle vir die priesters."

Op pad daarheen het hulle gesond geword. En een van hulle het, toe hy sien dat hy genees is, omgedraai en God hardop geprys. Hy het voor die voete van Jesus neergeval en Hom gedank. Hierdie man was 'n Samaritaan. Toe sê Jesus: "Was daar nie tien wat gesond gemaak is nie? Waar is die ander nege dan? Is daar niemand anders wat omgedraai het om God die eer te gee behalwe hierdie man wat nie eers 'n Jood is nie?"

En vir hom sê Hy: "Staan op en gaan huis toe. Jou geloof het jou gered." (Lukas 17:11-19)

Jou tiendemaand dankoffer is nog 'n geleentheid om om te draai en die Here te prys, te dank en te eer. Wanneer jy dit doen, erken jy dag vir dag sy Godheid, grootheid en goedheid. Hou daarmee vol. Dank Hom altyd vir alles wat jy onverdiend uit sy Vaderhand ontvang.

En gee met die regte gesindheid. In 2 Korintiërs 9:7 skryf Paulus hieroor: "Elkeen moet gee soos hy hom in sy hart voorgeneem het, nie met teensin of uit dwang nie, want God het die blymoedige gewer lief."

Kinders van die Here gee uit dankbaarheid en met blymoedigheid.

Hoe werk die tiendemaand insameling?

1. Jy kan in die voorportaal van die kerkgebou of die kerkkantoor 'n tiendemaand dankofferkoevert kry wat jy enige tyd kan inbetaal, in die dankoffersakkie kan gooi of by die kerkkantoor kan inhandig. Sondag 27 Oktober 2024 is ons amptelike 10de maand dankoffer Sondag.
2. Jy kan ook 'n elektroniese inbetaling in die rekening van die gemeente doen: NG Kerk Kraggakamma, Absa Bank rek nr.1400590091, Tjek Rek, Tak 511 917. Jy moet dit asb. duidelik merk as tiendemaand bydrae.

**Ons begroot hierdie jaar vir R300 000 vir die Tiendemaand dankoffer.**

### **DANKOFFER**

Baie dankie vir elkeen se dankbaarheidsbydrae wat ons maandeliks ontvang. Dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma  
Absa Tjekrek 1400590091  
Takkode 632005

